

**PROGRAM RADA**  
**KOORDINACIONOG ODBORA CENTRALNIH JEDINICA ZA**  
**HARMONIZACIJU U BOSNI I HERCEGOVINI**  
**ZA 2024. GODINU**

**Decembar 2023. godine**

**SADRŽAJ**

<b>1. UVOD.....</b>	<b>3</b>
<b>2. RAD KO CJH U 2023. GODINI.....</b>	<b>4</b>
<b>3. PROGRAM RADA KO CJH ZA 2024. GODINU.....</b>	<b>5</b>
<b>3.1. Aktivnosti KO CJH iz oblasti finansijskog upravljanja i kontrole.....</b>	<b>5</b>
<b>3.2. Aktivnosti KO CJH iz oblasti interne revizije .....</b>	<b>5</b>
<b>3.3. Saradnja Koordinacionog odbora CJH sa novinskim agencijama u BiH.....</b>	<b>6</b>
<b>4. ODRŽAVANJE SJEDNICA KO CHJ U 2024. GODINI .....</b>	<b>6</b>

## 1. UVOD

Na osnovu čl. 2. stav (13) i 28. stav (2) Zakona o internoj reviziji institucija Bosne i Hercegovine ("Službeni glasnik BiH", broj: 27/08 i 32/12), člana 6. Zakona o internoj reviziji u javnom sektoru Federacije Bosne i Hercegovine ("Službene novine Federacije BiH", broj: 47/08 i 101/16) i člana 6. Odluke Narodne skupštine Republike Srpske, broj: 01-1012/10 ("Službeni glasnik RS", broj: 72/10) uspostavljen je Koordinacioni odbor centralnih jedinica za harmonizaciju u Bosni i Hercegovini (u daljem tekstu: KO CJH).

KO CJH čine tri člana:

- a) Rukovodilac CJH Ministarstva finansija i trezora BiH,
- b) Rukovodilac CHJ Federalnog ministarstva finansija,
- c) Rukovodilac CJH Ministarstva finansija Republike Srpske i
- d) Šef Ureda centralne harmonizacijske jedinice u Direkciji za finansije Brčko Distrikta BiH, sa statusom posmatrača.

Poslovníkom o radu KO CJH (u daljem tekstu: Poslovník o radu)<sup>1</sup>, bliže su uređene nadležnosti, funkcionisanje i organizacija KO CJH.

KO CJH je osnovan sa zadatkom odobravanja okvirnih propisa iz područja javne interne finansijske kontrole, sa ciljem njihovog usaglašavanja sa međunarodno priznatim principima upravljanja i standardima javne interne finansijske kontrole na nivou cijele BiH, koji će služiti kao polazna osnova svakog nivoa vlasti u izradi i usvajanju njihovih vlastitih propisa iz područja javne interne finansijske kontrole.

U ostvarivanju svojih ovlaštenja i odgovornosti iz područja javne interne finansijske kontrole, KO CJH odobrava:

- a) okvirnu strategiju razvoja funkcije interne revizije u javnom sektoru BiH,
- b) okvire primarne i sekundarne regulative iz područja interne revizije i finansijskog upravljanja i kontrole,
- c) standarde i kodeks etike interne revizije i interne kontrole, koji su zasnovani na međunarodno priznatim standardima,
- d) okvirne smjernice i metodologiju rada za područje interne revizije, koje su zasnovane na dobrim praksama drugih zemalja,
- e) okvirni program obuke za certifikaciju internih revizora i program za polaganje u cilju sticanja zvanja ovlaštenog internog revizora.

---

<sup>1</sup> Koji je usvojen na sjednici KO CJH održanoj u Banjaluci, 24.1.2011. godine, te dopunjen 15.4.2021. godine

## 2. RAD KO CJH U 2023. GODINI

KO CJH je tokom 2023. godine realizovao aktivnosti planirane usvojenim Programom rada za 2023. godinu i u skladu sa usvojenom Odlukom o budžetu KO CJH za 2023. godinu.

U 2023. godini održano je ukupno 12 redovnih i 3 vanredne sjednice KO CJH. Na održanim sjednicama, KO CJH je usvojio Program rada za 2023. godinu, donio Odluku o budžetu KO CJH za 2023. godinu, izvršena je rotacija predsjedavanja KO CJH, a značajan broj sjednica bio je posvećen realizaciji planiranih aktivnosti, sa posebnim fokusom na edukacije i obaveze u okviru Programa integrisanja BiH u EU u dijelu koji se tiče PG 32-Finansijski nadzor.

Shodno planiranim aktivnostima iz Programa rada KO CJH za 2023. godinu, KO CJH je organizovao dvije zajedničke godišnje konferencije: jednu iz oblasti interne revizije i jednu iz oblasti finansijskog upravljanja i kontrole. Obe godišnje konferencije su finansirane iz sredstava budžeta KO CJH. Zajednička godišnja konferencija iz oblasti interne revizije u javnom sektoru Bosne i Hercegovine na teme „*Odnos interne i eksterne revizije*“ i „*Postupanje u slučajevima nepravilnosti i prevara u internoj reviziji*“ održana je 31.5. i 1.6.2023. godine u Sarajevu i istoj je prisustvovalo oko 150 internih revizora sa svih nivoa vlasti u BiH.

Zajednička godišnja konferencija o finansijskom upravljanju i kontroli na teme „*Trenutno stanje uspostave i razvoja finansijskog upravljanja i kontrole u javnom sektoru u Bosni i Hercegovini*“ i „*Organizacioni problemi u uspostavljanju efikasnog, ekonomičnog i efektivnog sistema finansijskog upravljanja i kontrole*“ održana je 13. i 14.11.2022. godine u Sarajevu, a konferenciji je prisustvovalo više od 200 učesnika sa svih nivoa vlasti u BiH, koji su zaduženi za razvoj finansijskog upravljanja i kontrole u svojim organizacijama.

### 3. PROGRAM RADA KO CJH ZA 2024. GODINU

Donošenje godišnjeg programa rada propisano je članom 4. Poslovnika o radu KO CJH s ciljem efikasnog i odgovornog ostvarivanja svojih nadležnosti. Program rada sadrži najznačajnije aktivnosti i zadatke koje KO CJH realizuje tokom godine.

Program rada KO CJH za 2024. godinu planira se i provodi u skladu sa važećim propisima iz oblasti javnih internih finansijskih kontrola na svim nivoima vlasti, kao i u skladu sa strateškim dokumentima i akcionim planovima u kojima su utvrđene aktivnosti i prioriteti centralnih jedinica za harmonizaciju vezanih za njihovu operativnu realizaciju. Takođe, programom rada planira se unapređenje i harmonizacija sistema upravljačke odgovornosti i sistema internih kontrola u skladu sa preporukama Evropske komisije u okviru Programa integrisanja BiH sa EU.

U 2024. godini KO CJH planira organizovati dvije konferencije, u prvoj polovini 2024. godinu konferenciju iz oblasti interne revizije, a u drugoj polovini godine konferenciju iz oblasti finansijskog upravljanja i kontrole. Planirana je promjena koncepta organizovanja i realizacije konferencija u cilju unapređenja kvaliteta i postizanja boljih edukativnih efekata. Pored navedenog, biće nastavljena realizacija ostalih zajedničkih aktivnosti u cilju unapređenja i harmonizacije praksi, uključujući i aktivnosti u okviru Poglavlja 32-Finansijski nadzor iz Programa integrisanja BiH u EU.

#### 3.1. Aktivnosti KO CJH iz oblasti finansijskog upravljanja i kontrole

U 2024. godini realizovaće se sljedeće aktivnosti KO CJH u oblasti finansijskog upravljanja i kontrole:

- Razmatranje analize postojećih zakonskih i podzakonskih akata, te usaglašavanje okvirnih dokumenata u vezi sa eventualnim izmjenama zakonodavnog okvira iz oblasti finansijskog upravljanja i kontrole;
- Unaprijeđenje sprovođenja i praćenje provedbe zakonskog okvira i politika u oblasti finansijskog upravljanja i kontrole, sa posebnim fokusom na provjeru kvaliteta finansijskog upravljanja i kontrole u javnom sektoru;
- Dalje unaprijeđenje informatizacije oblasti finansijskog upravljanja i kontrole;
- Organizacija zajedničke godišnje konferencije iz oblasti finansijskog upravljanja i kontrole u okviru KO CHJ.

#### 3.2. Aktivnosti KO CJH iz oblasti interne revizije

U 2024. godine realizovaće se sljedeće aktivnosti KO CJH u oblasti interne revizije:

- Razmatranje analize postojećih zakonskih i podzakonskih akata, te usaglašavanje okvirnih dokumenata u vezi sa eventualnim izmjenama zakonodavnog okvira iz oblasti interne revizije;
- Saradnja prilikom usaglašavanja zakonskih i podzakonskih akata sa novim standardima profesionalne prakse interne revizije, čija je primjena obavezna od 1.1.2025. godine;
- Unaprijeđenje i praćenje sprovođenja zakonskog okvira i politika u oblasti interne revizije, sa posebnim fokusom na unaprijeđenje metodologije rada za oblast interne revizije i provjeru/ocjenu kvaliteta rada interne revizije u javnom sektoru;
- Dalje unaprijeđenje informatizacije za oblast interne revizije i uvođenje informatičkih

alata za interne revizore;

- Organizacija zajedničke godišnje konferencije iz oblasti interne revizije.

### **3.3. Saradnja Koordinacionog odbora CJH sa novinskim agencijama u BiH**

Koordinacioni odbor CJH uspostaviće saradnju sa novinskim agencijama u BiH radi promocije aktivnosti koje KO CJH realizuje na unapređenju interne finansijske kontrole u javnom sektoru na svim upravnim nivoima u Bosni i Hercegovini.

### **4. ODRŽAVANJE SJEDNICA KO CHJ U 2024. GODINI**

U skladu sa članom 8. st. (1) i (4) Poslovnika o radu, sjednice KO CHJ će se održavati najmanje jednom mjesečno, naizmjenično, dvije u Sarajevu i jedna u Banjaluci.

U skladu sa Poslovníkom o radu KO CJH, u izuzetnim slučajevima KO CJH može odlučiti da sjednicu održi i onlajn.

Planirani termini održavanja sjednica KO CJH, za period januar – decembar 2024:

<b>REDNI BROJ SJEDNICE</b>	<b>DATUM ODRŽAVANJA SJEDNICE</b>	<b>MJESTO ODRŽAVANJA SJEDNICE</b>
1.	Januar 2024.	Sarajevo
2.	Februar 2024.	Sarajevo
3.	Mart 2024.	Banjaluka
4.	April 2024.	Sarajevo
5.	Maj 2024.	Sarajevo
6.	Jun 2024.	Banjaluka
7.	Jul 2024.	Sarajevo
8.	Avgust 2024.	Sarajevo
9.	Septembar 2024.	Banjaluka
10.	Oktobar 2024.	Sarajevo
11.	Novembar 2024.	Sarajevo
12.	Decembar 2024.	Banjaluka

**Broj: KO-12-1/23**

**29.12.2023. godine**

**PREDSJEDAVALUĆI KO CJH**

**Milorad Nešić**

